



Germania Inferior

<https://hdl.handle.net/1874/430405>



GERMANIA
INFERIOR
Militaria Germanica Communia

Petrus Kernus
 Calvert

Blank
 Div-21

auctoritate Præfectus, qui & Burgundiæ quoque Comitatu præest, neque enim præ multitudine Regnorum a Provinciarum ipsius eam, sicut Burgundiæ Duces solent, administrare valet. Quapropter tempore Maximiliani Cæsaris ejusque filij Philippi, summæ rerum præfuit ad tempus Georgius Saxonie Dux. Caroli V. Imperatoris tempore primū Margareta Austriae, Imperatoris Matertera, qua defuncta soror dictæ Cæsareæ Majestatis Maria Ungariæ Regina ab anno 1531 ad 1555, quo Imperatoria Majestas totum Belgium filio Philippo renunciavit, qui successivè easdem Provincias demandavit suo nomine regendas Emanueli Philiberto Sabaudie Duci Consobrino, puta ex duabus sororibus Regis Lusitanie utroque nato, qui a Rege Ducatu suo Sabaudie restitutus Præfecturæ renunciavit, itaque in ejus locum surrogata est Regis soror Margareta Parmæ ac Placentiæ Ducis uxor, cui præter alia consueta assignata fuere in singulos annos 36 millia coronatorum. Hic Præfectus licet summam adeoque plenissimam haberet per totum Belgium auctoritatem, cuncta tamen majora munera ac officia, ut sunt, Præsidatus, Cancellariatus Statuum, & omnes leges, decreta & negotia sub Regis nomine distribuuntur, atque emanant. Scire autem hic oportet, antequam de singulis consiliis seorsim quid dicamus, olim duo illa consilia Statuum & Privatum unum tantum apud Principem fuisse, quod Privatum nuncupabatur: verum excrescentibus negotiis in duo diversa id partiri necesse fuit.

De Consilio Statuum.

Consilium Statuum, ut vocant, quod apud Gubernatorem residet, incerto constat Consiliariorum numero, pro arbitrio enim Principis & negotiorum necessitate plures vel pauciores adhibentur. Constat vero ex diversis Provinciarum Belgij Præfectis, nonnullisque doctoribus, qui propter doctrinam, integritatem, ac virtutes subinde adhi-

bentur. Huic ordini unus præst judex seu præses consilij. Cū hoc consilio deliberat Belgij summus Præses super rebus Principis & publicis, puta de bello & pace deque generali totius patriæ regimine. Eodem in deliberationem veniunt, quæ ab omni parte adferuntur. Item foedera cum Principibus ac vicinis, an dimittendi vel retinendi sint belli Duces: Item de propugnaculis, munitionibus, provisionibus armorum, qui demandandi & recipiendi legati, cunctaque huc referuntur ex consiliis magis ardua negotia: denique ut summatim dicamus, quicquid conservationem ac protectionem totius patriæ intus & foris concernit, in hoc consilio deliberatur. Solent & extraordinariis & magis arduis negotiis adhiberi quoque omnes Ordinis aurei velleris, & ex aliis gubernatoribus Provinciarum, officariisque Regiis nonnulli.

De Consilio Privato.

Consilium quod vocant privatum seu Secretum similiter apud Gubernatorem residet. Constat ordinariè 10 vel 12 Consiliaris, iisque Doctoribus aut Licentiatibus à Rege vel ejus Locum tenente electis. Hoc cum divisum sit propter multitudinem negotiorum a præcedente consilio Statuum, sibi reservavit quicquid ad justitiam, jus, & politiam pertinet, & inspectionem aliorum consiliorum. Hujus itaque est concedere privilegia, consensum, gratiam, veniam remissiones. Item condere leges, ordinationes, statuta, edictaque, unde & Magistri supplicationum vocantur. Hujus item consilij est cognoscere de limitibus, ac confinibus Provinciarum, deque partibus principalibus dominij, superioritatis & auctoritatis Principis, Dominorum & aliorum aulicorum immatriculorum. Denique consilium hoc robur est ac conservator Justitiæ, cæterarumque rerum omnium inspector, quanquam subinde magis ardua consilio Statuum communicet, ac vice versa illud quæ politiam ac Justitiam aliquo modo concernunt cum hoc conferat ac communicet.